



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Windocinensi Carnotensis diocesis & sancti Iuliani Turonensis Abbatibus, &
Priori Majoris monasterij Turonensis.

urn:nbn:de:hbz:466:1-20020

diffidatos à nobis, & universis nostris fidelibus injungentes ut eos tamquam diffidatos impugnet. Datum Soræ , pontificatus nostri anno undecimo.

*WINDOCINENSI CARNOTENSIS
dioecesis & sancti Iuliani Turonensis Abbatibus, & Priori Majoris monasterij Turenensis.*

TEnorem litterarum quæ vobis ex parte nostra dicuntur super correctione Burguliensis monasterij præsentatae in litteris citatoriis inspeximus comprehensum quas dilectis filiis Luca Abbati & conventu ejusdem monasterij direxistis. Verum si quem vos habere deceret dictionis spiritum haberetis, ex eo saltem credere potuistis easdem litteras de conscientia nostra minimè processisse quod nos tam inconstantes & mobiles reputare nullatenus debuistis ut qui paulò ante non sine sollicitudine diligenter per delegatos à nobis monasterium ipsum salubriter corrigi feceramus, recenter voluerimus quæ fuerant bene acta pervertere ac redivivam in eo religionis monasticae disciplinam recidive correctionis occasione vexare. Sed & illud vobis intelligentiam dare potuit quod præfatae litteræ nequaquam de nostra conscientia manaverunt, quia cum monasterium ipsum, non solum publico sibi nomine, verum etiam per sui negotia multiplicia, quæ nos frequenter in instantia nostra sollicitudinis occuparunt, notissimum nobis existat, verisimile non apparet quod ejus monachos de Burguo, sicut in eisdem litteris continetur, Gallico idiomate scripsissimus, quos sermone Latino Burguliensis consuevimus appellare. In quo procul dubio deprehenditur quod si litteræ ipse quomodounque à nostro auditorio processerunt, fraudulenter fuit, ut insuetum, Gallicum nomen positum, ne per Latinum, ut assuetum, monasterium ipsum fuisset redditum nobis notum. Quocirca discretioni vestrae per apostolica scripta precipiendo mandamus quatenus si nondum per illas litteras processisti, procedere per eas nullatenus præsumatis, & si quid occasione ipsarum forsitan attentasti, illud sublato cuiuslibet contradictionis & applicationis obstaculo penitus revocetis, sollicitè provisuri ut consideratis omnibus quæ circa litteras ipsas consideranda videritis, si falsitatem ipsarum per vos ipso potueritis deprehendere, tam impetratores ipsarum quam eos qui scienter fuerint usi eis secundum

Tom. II.

pœnam contra falsarios editam appellatione postposita puniat. Quod si per vos earum nequiveritis deprehendere falsitatem, ipsas nobis vestris litteris interclusas dirigere non tardetis; proviso quod mandatum nostrum taliter executioni mandetis ne per alium illud oporteat adimpleri. Alioquin de Claramonte, de Chaloceio, & de Buxeria Abbatibus Cisterciensis ordinis Cenomannensis & Andegavensis dioecesum dedimus in præceptis ut vobis in ejusdem executione mandati cœlestibus, ipsi appellatione remota illud post mensem exequi non postponant. Quod si non omnes &c. duo vestrum &c. Datum Soræ xii. Kal. Octobris, pontificatus nostri anno undecimo.

LVCÆ ABBATI MONASTERII Vide supra lib. 10. Epist. 14.
Burguliensis ejusque fratribus tam presentibus quam futuris regulari vitam professi in perpetuum.

Religiosam vitam eligentibus apostolicum convenit adesse præsidium, ne forte cuiuslibet temeritatis incursum aut eos à proposito revocet, aut robur, quod absit, sacrae religionis infringat. Ea propter, dilecti in Domino filij, vestris justis postulationibus clementer annuimus, & præfatum monasterium sancti Petri Burguliensis, in quo divino mancipati elitis obsequio, ad exemplar felicis recordationis * Silvestri Papæ prædecessoris nostri sub beati Petri & nostra protectione suscipimus & præfentis scripti patrocinio communimus. In primis siquidem statuentes ut ordo monasticus qui secundum Deum & beati Benedicti regulam in eodem monasterio institutus esse dinoſcitur, perpetuis ibidem temboribus &c. Præterea quæcumque possessiones &c. idem monasterio in præsentiarum justè ac rationabiliter possider &c. usque permaneant, in quibus hæc propriis &c. Locum ipsum in quo præfatum monasterium situm est, cum omnibus possessionibus & pertinentiis suis. Curtim Burguliensem cum Ecclesia sancti Germani & Ecclesia sancti Nicolai ac omnibus utilitatibus ad ipsam curtim & Ecclesias pertinentibus. Ecclesiam quoque Chociacum super fluvium Ligeris cum portu & quicquid ad ipsam pertinet. In pago autem Turonico quartas tres ex beneficio Corbonis Militis. Item ex supradicto Milite quartas quatuor de curtis Suliacinse. Item medietatem curtis de Calanias, cum medietate Ecclesie sanctæ Mariæ omnibusque utilitatibus ad medie-

* Vide ibid.
pag. 201.

Epist. 145.
De confirmatione priuilegiorum.
Vide to. 4. Gall.
Chir. p. 206.

D d